



**NOTULE VAN 'N GEWONE VERGADERING VAN DIE SWARTLAND MUNISIPALE RAAD, GEHOU IN DIE MALMESBURY BANKETSAAL OP DONDERDAG, 28 MAART 2013 OM 11:00**

---

**TEENWOORDIG:**

Speaker, rdh N J A Rust

Uitvoerende Burgemeester, rdh T van Essen

Uitvoerende Onderburgemeester, rdh M S I Goliath

Abrahams, M Z (DA)

Cleophas, J H (DA)

Cloete, C M (ANC)

Cox-Bruintjies, Y S (TPICO)

Fortuin, C (ANC)

Geel, B W (DA)

Humphreys, F S (ANC)

Hunsinger, C H H (DA)

Papers, C H (DA)

Philander, D B (ANC)

Rangasamy, M (DA)

Sedeman, A C (DA)

Sneewe, A M (ANC)

Stanley, B J (DA)

Stemele, O M (DA)

Van der Westhuizen, R F (DA)

Wilskut, W (DA)

Zatu, N S (ANC)

**Beampes:**

Munisipale Bestuurder, mnr J J Scholtz

Direkteur: Beskermingsdienste, mnr P A C Humphreys

Direkteur: Elektriese Ingenieursdienste, mnr R du Toit

Direkteur: Finansiële Dienste, mnr K C Cooper

Direkteur: Korporatiewe Dienste, me M S Terblanche

Direkteur: Siviele Ingenieursdienste, mnr A J Botha

Bestuurder: Sekretariaat en Rekords, me N Brand

**1. OPENING**

Pastoor De Waal Van der Westhuizen van die Sofar Gemeente, Malmesbury open die vergadering met skriflesing en gebed op uitnodiging van die Speaker.

**2. VERLOF TOT AFWESIGHEID**

Verlof tot afwesigheid word verleen aan rdle M van Zyl en J I van der Merwe.

**3. VOORLEGGINGS/AFVAARDIGINGS/MEDEDELINGS DEUR AMPSDRAERS/BEAMPTES**

'n Spesiale woord van verwelkoming word gerig aan die lede van die publiek, die media en die tolk. Die Speaker versoek die Munisipale Bestuurder om die verteenwoordigers van Provinsie en die Ouditeur-Generaal bekend te stel, by name me S de Visser (Provinsiale Tesourie), mnr M Petersen (Provinsiale Tesourie), mnr V Langford (Kantoor van die Ouditeur-Generaal) en me G Gorrah (Departement: Plaaslike Regering).

Die Speaker dra sy gelukwense oor aan raadslede en beampes wat gedurende die afgelope tyd verjaar het, met 'n spesiale woord van gelukwensing aan die Direkteur: Finansiële Dienste, mnr K C Cooper wat op datum verjaar.

**3.1 VERTONING VAN SONDEZA-DVD (17/2/2/1)**

'n DVD word vertoon van die bedrywighede by die afgelope Sondeza Afri-Jeug Inisiatief wat op Ganzekraal vanaf 30 November tot 9 Desember 2012 plaasgevind het.

Die Direkteur/...

3.1/...

Die Direkteur: Korporatiewe Dienste noem dat die DVD dien as agtergrond tot die evalueringsverslag wat aan die Raad voorgelê is, en verder om uit te beeld dat die inisiatief slaag in sy doel, naamlik om die jeug saam te bring.

Die kampkoördineerder, me I Looock word in haar afwesigheid bedank vir haar waardevolle bydrae tot die sukses van die kamp. Me M S I Terblanche bedank ook die amptenare van die Departement: Ontwikkelingsdienste wat me Looock bystaan, sowel as die Raad wat die kamp vir die afgelope nege jaar ondersteun.

Bevestiging word gegee dat die begroting t.o.v. die kamp baie effektief bestuur word en dat daar, behalwe vir befondsing wat jaarliks vanaf die Departement van Sosiale Ontwikkeling verkry word, ook aansoek gedoen is vir befondsing vanaf die Departement van Kultuursake en Sport.

'n Spesiale uitnodiging word gerig aan alle raadslede om die opening- en afsluitingseremonies van die 10de Sondeza Afri-Jeug Inisiatief hierdie jaar by te woon.

#### **BESLUIT**

Dat kennis geneem word van die evalueringsverslag van die Sondeza Afri-Jeug Inisiatief wat op Ganzekraal vanaf 30 November tot 9 Desember 2012 plaasgevind het.

### **4. NOTULES VIR BEKRAGTIGING**

#### **4.1 NOTULE VAN 'N GEWONE RAADSVERGADERING GEHOU 29 NOVEMBER 2012**

##### **BESLUIT**

(op voorstel van rdl M Z Abrahams, gesekondeer deur rdl O M Stemele)

Dat die notule van 'n Gewone Raadsvergadering gehou op 29 November 2012 goedgekeur en deur die Speaker onderteken word.

#### **4.2 NOTULE VAN 'N SPESIALE RAADSVERGADERING GEHOU 31 JANUARIE 2013**

##### **BESLUIT**

(op voorstel van rdl B J Stanley, gesekondeer deur rdl C H Papers)

Dat die notule van 'n Spesiale Raadsvergadering gehou op 31 Januarie 2013 goedgekeur en deur die Speaker onderteken word.

### **5. VERSLAGDOENING INSAKE GEDELEGEERDE BESLUITNEMING DEUR DIE UITVOERENDE BURGEMEESTER**

#### **BESLUIT**

Dat kennis geneem word van die Uitvoerende Burgemeester se besluite ingevolge gedelegeerde bevoegdheid, soos vervat in die onderstaande notules:

#### **5.1 NOTULE VAN 'N GEWONE VERGADERING VAN DIE UITVOERENDE BURGE-MEESTERSKOMITEE GEHOU 14 NOVEMBER 2012**

saamgelees met

#### **NOTULE VAN 'N VERGADERING VAN PORTEFEULJEKOMITEES GEHOU OP 8 NOVEMBER 2012**

#### **5.2 NOTULE VAN 'N GEWONE VERGADERING VAN DIE UITVOERENDE BURGE-MEESTERSKOMITEE GEHOU OP 13 DESEMBER 2012**

#### **5.3 NOTULE VAN 'N GEWONE VERGADERING VAN DIE UITVOERENDE BURGE-MEESTERSKOMITEE GEHOU OP 23 JANUARIE 2013**

### **6. VERSLAGDOENING INSAKE GEDELEGEERDE BESLUITNEMING DEUR DIE MUNISIPALE BESTUURDER**

BESLUIT/...

6./...

**BESLUIT**

Dat kennis geneem word van die Munisipale Bestuurder se besluite as Rekenpligtige Beampte ingevolge gedelegeerde bevoegdheid, in oorlegpleging met die bodbeoordelingskomitee, soos vervat in die onderstaande notules:

- 6.1 **NOTULE VAN 'N BODBEOORDELINGSKOMITEEVERGADERING GEHOU OP 1 NOVEMBER 2012**
- 6.2 **NOTULE VAN 'N BODBEOORDELINGSKOMITEEVERGADERING GEHOU OP 22 NOVEMBER 2012**
- 6.3 **NOTULE VAN 'N BODBEOORDELINGSKOMITEEVERGADERING GEHOU OP 4 DESEMBER 2012**
- 6.4 **NOTULE VAN 'N BODBEOORDELINGSKOMITEEVERGADERING GEHOU OP 18 DESEMBER 2012**
- 6.5 **NOTULE VAN 'N BODBEOORDELINGSKOMITEEVERGADERING GEHOU OP 5 FEBRUARIE 2013**
- 6.6 **NOTULE VAN 'N BODBEOORDELINGSKOMITEEVERGADERING GEHOU OP 14 FEBRUARIE 2013**

**7. SAKE VOORTSPRUITEND UIT DIE NOTULES****7.1 NOTULE VAN 'N SPESIALE RAADSVERGADERING GEHOU OP 31 JANUARIE 2013****7.1.1 (ITEM 5.2): WYSIGING VAN VERTEENWOORDIGING DEUR RAADSLEDE OP INTERNE EN EKSTERNE KOMITEES: INSTELLING VAN BEGROTINGS-BEHEERKOMITEE (11/1/3/1/10)**

Die Munisipale Bestuurder verskaf agtergrond tot die instelling van die begrotingsbeheerkomitee wat per abuis weggeval het van die lys van verteenwoordiging deur raadslede op interne en eksterne komitees wat op 31 Januarie 2013 aan die Raad voorgelê was.

Die funksies van die begrotingsbeheerkomitee, as 'n komitee van die Uitvoerende Burgemeester, word vervat in die verslag tot die sakelys.

**BESLUIT**

Dat die begrotingsbeheerkomitee as volg saamgestel word ingevolge die *Municipal Budget and Reporting regulations*, naamlik –

<b>RAADSLEDE</b>	
Die Uitvoerende Burgemeester	rdh T van Essen
Die raadslid wat as voorsitter dien op die Finansies Portefeuljekomitee	rdl C H H Hunsinger
Lede van die Uitvoerende Burgemeesterkomitee verantwoordelik vir administrasie en finansies	rdl M van Zyl
Addisionele Raadslid/lede uit die administrasie en finansies	rdl B W Geel rdl M Rangasamy
<b>AMPTENARE</b>	
Die Munisipale Bestuurder	mnr J J Scholtz
Hoof Finansiële Beampte	mnr K C Cooper
Senior bestuurder verantwoordelik vir ten minste die drie grootste begrotingsposte in die munisipaliteit	Alle direkteure
Bestuurder verantwoordelik vir begroting	-
Bestuurder verantwoordelik vir beplanning (GOP)	mnr L Fourie
Tegniese kundiges op gebied van infrastruktuur	Ingesluit by direkteure

## 8. SAKE VIR BESPREKING

### 8.1 AANVAARDING VAN OORSIGVERSLAG OP 2011/2012 JAARVERSLAG (7/1/1/1)

Die Konsep Jaarverslag vir die 2011/2012 finansiële jaar is ingevolge artikel 127 van die MFMA op 31 Januarie 2013 aan die Raad voorgelê, waarna die Jaarverslag vir kommentaar deur die publiek en betrokke staatsorgane ter insae beskikbaar gestel is.

Die munisipale publieke rekeninge komitee (MPAC) het op 6 Maart 2013 vergader ten einde 'n Oorsigverslag saam te stel, wat met die sakelys gesirkuleer is.

Die Speaker bring die aangeleentheid tot stemming en word dit beslis (in die afwesigheid van twee raadslede) met twintig raadslede ten gunste daarvan, en een raadslid wat buite stemming bly.

#### BESLUIT

(op voorstel van rdh M S I Goliath, gesekondeer deur rdl C H Papers)

- (a) Dat die Raad, gegewe hy die 2011/2012 Jaarverslag van Munisipaliteit Swartland oorweeg het, die Oorsigverslag aanvaar in terme van artikel 129 van die Wet op Munisipale Finansiële Bestuur;
- (b) Dat die 2011/2012 Jaarverslag van Munisipaliteit Swartland goedgekeur word sonder voorbehoud, in terme van artikel 129 van die MFMA;
- (c) Dat die notules van vergaderings waar die Jaarverslag bespreek is in die teenwoordigheid van die rekenpligtige beamppte (Munisipale Bestuurder), aan die Ouditeur-Generaal, die Provinsiale Tesourie en die Wes-Kaapse Departement van Plaaslike Regering voorgelê word, in terme van artikel 129(2) van die MFMA;
- (d) Dat die 2011/2012 Oorsigverslag van Munisipaliteit Swartland openbaar gemaak word in terme van artikel 129(3) van die MFMA en aan die Wes-Kaapse Wetgewer voorgelê word in terme van artikel 132(2) van die MFMA.

### 8.2 RAADSLIDVERGOEDING, TOELAES EN BYVOORDELE (5/10/1)

Die verhoging in salarisse, toelaes en voordele van raadslede is op 7 Desember 2012 in Staatskoerant Nr. 35962 afgekondig en aan die Raad voorgelê op 31 Januarie 2013.

Die aspekte, soos hieronder vermeld, is deur die Raad na die Uitvoerende Burgemeesterskomitee en administrasie terug verwys om die bekostigbaarheid daarvan te oorweeg en is dit op 'n vergadering van die Uitvoerende Burgemeesterskomitee gehou op 13 Maart 2013 bespreek vir 'n aanbeveling aan die Raad.

Die Speaker bring die aangeleentheid tot stemming en word dit beslis (in die afwesigheid van twee raadslede) met twintig stemming ten gunste daarvan, en een raadslid wat buite stemming bly.

#### BESLUIT

(op voorstel van rdl B W Geel, gesekondeer deur rdl O M Stemele)

#### A. Mobiele datakaarte

- (a) Dat geen vaste maandelikse toelaes betaalbaar sal wees aan munisipale raadslede vir die gebruik van mobiele datakaarte nie;
- (b) Dat daar egter slegs ten opsigte van voltydse raadslede toegelaat sal word dat 'eenmalige' eise van tyd tot tyd by die Uitvoerende Burgemeester ingedien mag word om vergoeding uit te betaal vir datakaarte, op voorwaarde dat sodanige eise beperk sal word tot die gebruik van datakaarte vir amptelike besigheid wat verrig word weg van die munisipale hoofkantoor;

#### B. "Tools of/...

8.2/...

B. "Tools of trade"

Dat die volgende "tools of trade" slegs aan voltydse raadslede beskikbaar gemaak sal word:

Kantoorakkommodasie en -toerusting; parkeerplekke; besigheidskaartjies; sakrekenaars; briefhoofde; skryfbehoeftes; drukkersink ('toner cartridges'); dagboeke; posgeld; kantoortelefoon; en toepaslikse mobiele tegnologie en multi-digitale kantoor, ingesluit skoot- en/of 'desktop' rekenaar, drukker, fotokopieë en 'scanner'.

C. Reistoelaes vir amptelike besigheidsreise

Dat, met ingang vanaf 1 April 2013, reistoelaes geëis mag word uit hoofde van die Raad se Beleid insake die Betaling van Reis-, Akkommodasie- en Verblyfkostes vir amptelike besigheidsreise wat gemaak word na en van die 'munisipale kantore' en 'werksplekke' soos hieronder gedefinieer:

(a) Ten aansien van **voltydse raadslede**, sal 'munisipale kantore' verwys na:

Malmesbury, in die geval van rdle T van Essen, C H H Hunsinger, M S I Goliath, R F van der Westhuizen en N J A Rust  
Riebeek Kasteel, in die geval van rdl W Wilskut  
Moorreesburg, in die geval van rdl M van Zyl

(b) Ten aansien van **deeltydse PR (proporsionele) raadslede**, sal 'plaaslike munisipale kantore' verwys na Malmesbury Hoofkantoor (t.o.v. O M Stemele, B W Geel, C M Cloete, D B Philander, C Fortuin, A M Sneewe, F S Humphreys, J I van der Merwe, Y S Cox-Bruintjies)

(c) Ten aansien van **deeltydse Wyksraadslede**, sal 'gewone werksplek' verwys na:

Moorreesburg, in die geval van rdl C H Papers  
Riebeek-Wes, in die geval van rdl M Z Abrahams  
Chatsworth, in die geval van rdl B J Stanley  
Darling, in die geval van rdle J H Cleophas en M Rangasamy  
Malmesbury, in die geval van rdle A C Sedeman en N S Zatu;

(d) Dat 'amptelike besigheidsreise' sal verwys na reise gemaak deur raadslede in die uitoefening van funksies en verpligtinge binne sowel as buite die area van jurisdiksie van die munisipaliteit, bv. om vergaderings by te woon, om die munisipaliteit te verteenwoordig by 'n konferensie, werkwinkel, vergadering, seminar of vir enige ander amptelike verpligting;

(e) Dat kennis geneem word dat alle reis-eise aan die Uitvoerende Burgemeester voorgelê moet word in terme van die bovermelde raadsbeleid;

(f) Dat die Raad se Beleid insake die Betaling van Reis-, Akkommodasie- en Verblyfkoste gewysig word om die bostaande beleidsriglyne te akkommodeer;

(g) Dat die Munisipale Bestuurder en Direkteur: Finansiële Dienste versoek word om op 28 Maart 2013 om 14:00 'n werkwinkel in die Banketsaal te hou vir alle belangstellende raadslede om die inhoud van bostaande te verduidelik asook die prosedures wat in terme van die beleid gevolg moet word met ingang vanaf 1 April 2013.

**GETEKEN:  
SPEAKER**